



## **Komunikadu Imprensa**

10/06/2013

### **Tribunál Distritál Dili kondena pena multa arguidu kazu violensia domestika**

Iha 7 Juñu 2013, Tribunál Distritál Dili kondena arguidu ba kazu ofensa ba integridade fizika simples ho natureza violensia domestika ho pena multa \$ 22.50. Pena multa ne'e sei selu durante loron 45 nia laran no kada loron sei selu US\$ 0.50 sentavus. Maibe se arguidu la kumpri nia sei hetan prizaun durante loron 30 nia laran. Kazu ne'e involve arguidu JdSdS hasoru AR nu'udar arguidu nia fen, ne'ebé iha 12 Feveireu 2011, iha Distritu Aileu Vila. Kazu ne'e rejista ho Número Prosesu 349/C.Ord/2011/TDD.

“Mesmu pena multa nu'udar forma husi pena ne'ebé eziste iha ita nia enkudramentu lei penál aplikavel, maibe JSMP enkoraza tribunál hare pena multa nia efetividade ba kazu violensia domestika iha futuru”, dehan Diretór Ezekutivu JSMP, Luis de Oliveira Sampaio.

Ministériu Públiku akuza katak iha loron 12 Feveireu 2011, arguidu deskuti malu ho vítima no depois tuku no tebe vítima. Aktu ne'e kakauza vitima hetan moras no bubu iha vítima nia kabun. Kazu ne'e akontese tanba arguidu hola fali feto seluk no la kohi ona moris hamutuk ho vítima hanesan nia fen kaben.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples no kónjuga ho artigu 35 Lei Kontra Violénsia Doméstika.

Iha audensia julgamentu arguidu konfesa faktus totalmente no arepende ba nia hahalok.

Audiénsia leitura sentensa ba kazu ne'e diriye husi Dr. Antonino Gonçalves, Ministériu Públiku reprezenta husi Dr. Oscar Tavares no arguidu hetan defeza husi Dr. José da Silva.

Atu hetan informasaun kle'an liután favór kontaktu:

Luis de Oliveira Sampaio  
Diretór Ezekutivu JSMP  
Diresaun e-mail: [luis@jsmp.minihub.org](mailto:luis@jsmp.minihub.org)  
[info@jsmp.minihub.org](mailto:info@jsmp.minihub.org)  
Telefone: 3323883 | 77295795

Website: [www.jsmp.tl](http://www.jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPTl